

ԺԱՄԱՆԱԿԱԿՈՐ ՄԻԳՐԱՆՏԻ
ԻՐԱՎԱԿԱՆ ՈՒՂԵՑՈՒՅՑ
ՆԻԴԵՈՒԼԱՆԴՆԵՐ



IOM • OIM

IOM International Organization for Migration
Միգրացիայի միջազգային կազմակերպություն (ՄՄԿ)
Հայաստանյան առաքելություն

ԺԱՄԱՆԱԿԱԿՈՐ ՄԻԳՐԱՆՏԻ
ԻՐԱՎԱԿԱՆ ՈՒՂԵՑՈՒՅՑ
ՆԻԴԵՌԼԱՆԴՆԵՐ



IOM International Organization for Migration
Միգրացիայի միջազգային կազմակերպություն (ՄՄԿ)
Հայաստանյան առաքելություն



Սույն ուղեցույցը հրատարակվել է Իտալիայի Կառավարության ֆինանսավորմամբ:

© **Հեղինակային իրավունքը պաշտպանված է:** Սույն հրատարակության ոչ մի մաս չի կարող վերարտադրվել, պահպանվել որոնողական համակարգում կամ փոխանցվել էլեկտրոնային, մեխանիկական, պատճենահանման, ձայնագրման կամ այլ եղանակով առանց հրատարակչի նախնական գրավոր թույլատվության:

Սույն հրատարակությունում արտահայտված կարծիքները կարող են չհամընկնել ՄՄԿ-ի կամ նրա անդամ-պետությունների պաշտոնական տեսակետների հետ:

Հրատարակիչ՝ Միգրացիայի միջազգային կազմակերպություն



IOM International Organization for Migration
OIM Organisation Internationale pour les Migrations
OIM Organización Internacional para las Migraciones

**Միգրացիայի միջազգային կազմակերպություն (ՄՄԿ)
Հայաստանյան առաքելություն**

Հայաստան • Երևան 0010 • ՄՄԿ-ի գրասենյակ
• Պետրոս Ադամյան փողոց 14, 1-ին հարկ

Հեռ.՝ (+374 10) 58 56 92 • 58 37 86 • Հեռապատճեն՝ (+374 10) 54 33 65

Էլ.փոստ՝ iom@arminco.com • <http://www.iom.int/armenia>

ԲՈՎԱՆԴԱԿՈՒԹՅՈՒՆ

1. Մուտքի ընդհանուր պայմանները և տեղեկություններ վիզայի վերաբերյալ	5
2. Ներգաղթ աշխատելու նպատակներով.....	8
3. Ներգաղթ ուսումնառության նպատակներով	12
4. Կացությունը (ժամանակավոր, մշտական, նորացվող)	19
5. Ապաստանի ընթացակարգը	21
6. Ընտանիքի վերամիավորում	23
7. Առողջապահության համակարգ	24
8. Սոցիալական ապահովության համակարգ.....	24
9. Բնակարաններ	25
10. Դիպլոմների ճանաչում (պայմանները, համապատասխան մասնագիտական մարմինները)	27
11. Աջակցության ծառայություններ ներգաղթածներին ...	28
12. Քաղաքացիության/հպատակության ձեռքբերում	30
13. Այլ օգտակար աղբյուրներ և տեղեկություններ.....	31

ԺԱՄԱՆԱԿԱՎՈՐ ՄԻԳՐԱՆՏԻ ԻՐԱՎԱԿԱՆ ՈՒՂԵՑՈՒՅՑ ՆԻԴԵՌԼԱՆԴՆԵՐ

1. Մուտքի ընդհանուր պայմանները և տեղեկություններ վիզայի վերաբերյալ

Նիդեռլանդներ մուտք գործող օտարերկրացին պետք է ունենա վավեր ճամփորդական փաստաթուղթ, ինչպես նաև վիզա/մուտքի արտոնագիր կամ կացության թույլտվություն:

Ովքեր կարող են մուտք գործել առանց վիզայի

Նիդեռլանդներ առանց վիզայի կարող են մուտք գործել ԵՄ/Եվրոպական տնտեսական տարածաշրջանի քաղաքացիները և այնպիսի երրորդ երկրների քաղաքացիներ, որոնց երկրների հետ Նիդեռլանդներն ունի ազատ մուտքի ռեժիմ: Նրանք կարող են երկրում մնալ ոչ ավել, քան 90 օր վեց ամսվա ընթացքում՝ սկսած առաջին մուտքի օրվանից:

Վիզայի տեսակները

Նիդեռլանդների իշխանությունները կարող են տալ չորս տեսակի վիզա: Վիզայի տեսակը երևում է վիզայի պիտակի վրա հատուկ մասում և նշվում է A, B, C կամ D տառերով:

Օդանավակայանի տարանցիկ վիզա - A

Այս վիզայով օտարերկրացիներին հնարավորություն է տրվում մնալ օդանավակայանի միջազգային տարանցիկ տարածքում՝ կապակցող թռիչքին սպասելու համար, սակայն չի թույլատրվում մուտք գործել երկիր:

Տարանցիկ վիզա - B

Այս վիզայով մի երկրից մյուսը ճամփորդող օտարերկրացուն հնարավորություն է տրվում տարանցում անել Շենգենյան տարածքով: Տարանցիկ վիզա կարող է տրվել միայն այն դեպքում, երբ օտարերկրացին ապացուցում է, որ թույլտվություն ունի Շենգենյան տարածքում մնալուց հետո մուտք գործել հաջորդ նպատակադրված երկիրը: Տարանցիկ վիզան կարող է տրվել մեկ կամ կրկնակի տարանցման, իսկ բացառիկ դեպքերում՝ բազմակի տարանցման համար, պայմանով՝ որ տվյալ երկրով որևէ տարանցում չգերազանցի վիզայի պիտակի վրա մնալու տևողության հատվածում նշված օրերի թիվը: Օրենքի համաձայն, տարանցման վիզաները 5 օրից ավել չեն լինում:

Կարճաժամկետ վիզա - C

Այս վիզայով օտարերկրացուն թույլատրվում է Շենգենյան տարածք մուտք գործել և մնալ զբոսաշրջության, բիզնեսի, ամձնական կամ այլ այցելությունների կամ համանման նպատակներով: Կարճաժամկետ վիզա կարող է տրվել տվյալ երկիր մեկանգամյա, կրկնակի կամ բազմակի մուտքերի համար, ընդ որում ո՛չ մեկանգամյա չընդհատված այցելությունը և ո՛չ էլ հաջորդական մի քանի այցելությունների ընդհանուր տևողությունը չի կարող վեցամսյա ժամանակահատվածում անցնել 90 օրվանից սկսած առաջին մուտքի օրվանից:

Երկարատև մնալու համար (90 օրից ավել), առաջին հերթին անհրաժեշտ է ներկայացնել կացության թույլտվության դիմում: Ձեր դիմումին ընդառաջելու դեպքում կստանաք վիզա, որով ձեզ կթույլատրվի մեկանգամյա մուտք՝ կացության թույլտվություն ստանալու և 30 օր առավելագույն ժամկետով Նիդեռլանդներում մնալու համար:

Երկարաժամկետ վիզա - D

Երեք ամսից ավել մնալու համար

Ձեզ անհրաժեշտ է թույլտվություն ժամանակավոր կացության համար (MVV): MVV-ն պիտակ է, որ փակցվում է ձեր անձնագրում: Դրա համար դուք պետք է դիմեք Նիդեռլանդների դեսպանություն կամ հյուպատոսություն ձեր երկրում (կամ այն երկրում, որտեղ օրինական գրանցում ունեք): Խիստ կարևոր է այս վիզան ունենալ նախքան Նիդեռլանդներ ժամանելը:

Կարող եք ժամանակավոր կացության թույլտվության (MVV) համար գործընթացն սկսել 2 ձևով՝

- Նիդեռլանդներում գտնվող հովանավորն սկսում է (MVV) գործընթացը խորհուրդ ստանալու համար դիմելով Ներգաղթի և նատուրալիզացիայի վարչություն:
- դուք դիմում եք MVV-ի համար ձեր երկրում: Դա կատարվում է Նիդեռլանդների դեսպանությունում կամ հյուպատոսությունում:

Հովանավորի կողմից խորհուրդ ստանալու համար դիմելու նպատակն է օգնել MVV-ի համար ձեր դիմումին, որը դրանից հետո պետք է ներկայացնեք դեսպանատուն: Որոշումն ի պատասխան խորհուրդ ստանալու համար ներկայացված դիմումի կարող է լինել միայն դրական կամ բացասական խորհուրդ: Դուք չեք կարող դիմում թողնել վերանայման համար: Դեսպանատանը ձեր ներկայացրած դիմումը պաշտոնական դիմում է: Դուք կարող եք բացասական որոշման դեպքում

ներկայացնել դիմում վերանայման խնդրանքով: Ավելի շատ մանրամասների համար կարող եք այցելել հետևյալ վեբկայքը՝ www.ind.nl

Ո՞ր պետք է դիմել

Նիդեռլանդների դիվանագիտական ներկայացուցչությունների և հյուպատոսական պոստերի ցանկը, որտեղ կարող եք ներկայացնել վիզայի համար ձեր դիմումը՝

http://www.mfa.nl/en/navigation_left/websites_of_-foreign

Եթե ունեք Շենգենյան վիզա, դուք ձեզ հետ դեռ պետք է որոշ փաստաթղթեր ունենաք

Երբ ճանապարհորդում եք Շենգենյան տարածքով, ձեզ հետ վերցրեք այն բոլոր փաստաթղթերի և վկայություն հանդիսացող այլ նյութերի պատճենները, որ ներկայացրել եք վիզա ստանալու համար:

Հատկապես՝

Փաստաթղթեր և այլ վկայություն, որոնք վերաբերում են ձեր ֆինանսական միջոցներին՝

- փոխարկելի արժույթ, ճամփորդական չեկեր, բանկային գրքույկներ և/կամ
- (եթե ձեր դեպքում կիրառելի է) վիզայի ձեր դիմումի հետ միասին ներկայացված երաշխավորագրի պատճենը, որի ճշտությունը հաստատված է համապատասխան պետական մարմնի կողմից.
- ձեր երաշխավորի եկամտի մասին վկայող փաստաթղթի և ճամփորդական բժշկական ապահովագրության պատճենները:

Ձեր այցի նպատակը հիմնավորող փաստաթղթեր և այլ վկայություն

- Եթե ձեր նպատակը ընկերների կամ ազգականների այցելելն է՝ հրավերի նամակի պատճենը, որի ճշտությունը հաստատված է համապատասխան պետական մարմնի կողմից.
- Եթե մտադիր եք մնալ հյուրանոցում՝ հյուրանոցում մնալու պատվերը կամ վկայություն, որ նախօրոք վճարել եք մնալու գումարը.
- Եթե մտադիր եք այցելել գործարար նպատակով՝ փաստաթղթեր, որոնք ցույց տան ձեր բիզնեսի բնույթը (զմանշման հայտեր, վճարումներ, պայմանագրեր և այլն).
- Եթե մտադիր եք առողջապահական հաստատությունում բուժում ստանալ՝ փաստաթղթեր, որոնք ցույց տան, որ Նիդեռլանդներ

այցելելու ձեր նպատակը բուժման նպատակով է (նամակ հիվանդանոցից, որտեղ բուժում եք ստանալու, վկայություն առողջության ապահովագրության վերաբերյալ, վկայություն, որ վճարել եք բուժման համար կամ վկայություն, որ կարող եք վճարել բուժման համար)։

- եթե դուք դերասան եք, որ մտադիր է ներկայացում տալ Նիդեռլանդներում՝ վավեր աշխատանքային թույլտվություն (եթե պահանջվում է) և փաստաթղթեր, որոնցում հստակորեն նշված են ձեր ներկայացումների անցկացման վայրերը, ժամանակը և տևողությունը։

2. Ներգաղթ աշխատելու նպատակներով

ա) Օտարերկրյա աշխատողների մուտքի ընդհանուր պայմանները և տեղեկություններ վիզայի վերաբերյալ (այդ թվում՝ աշխատանքային թույլտվությունների և աշխատանքային վիզայի տեսակները և պահանջները, պատասխանատու մարմինները)

Նիդեռլանդներն ունի ծաղկող և բաց տնտեսություն, որը մեծապես կախված է օտարերկրյա առևտրից։ Տնտեսությանը բնորոշ են կայուն արդյունաբերական հարաբերություններ, ցածր գործազրկություն և ցածր գնաճ, ընթացիկ հաշվի զգալի ավելցուկ և կարևոր դեր որպես եվրոպական փոխադրումների կենտրոնական երկիր։ Արդյունաբերության հիմնական ճյուղերն են սննդի վերամշակումը, քիմիական արտադրությունը, նավթային արտադրանքի մշակումը և էլեկտրական սարքերի արտադրությունը։ Խիստ մեխանիզացված գյուղատնտեսական հատվածում զբաղված է աշխատուժի ոչ ավել քան 2%-ը, որը սակայն տալիս է սննդի վերամշակման և արտահանման համար հսկայական հավելյալ արտադրանք։

Եթե օտարերկրյա քաղաքացին ցանկանում է աշխատել Նիդեռլանդներում, որոշ դեպքերում անհրաժեշտ է, որ նրա գործատուն դիմի թույլտվության համար։ Դա աշխատանքի թույլտվությունն է։ Թույլտվությունը տրվում է Աշխատանքի և եկամուտների կենտրոնի կողմից։ Գործատուին այդպիսի թույլտվություն տրվում է միայն այն դեպքում, եթե տվյալ աշխատանքի համար Նիդեռլանդներում կամ ԵՄ-ում ուրիշ աշխատող չկա (որոշ բացառություններով)։

Աշխատանքի թույլտվության համար պետք է դիմի գործատուն, այլ ոչ թե խնդրող առարկա անձը։ Բանն այն է, որ թափուր տեղեր լրացնելիս, հոլանդացի գործատուից ակնկալվում է առաջին հերթին

հնարավորություն տալ հոլանդացու կամ ԵՄ/Եվրոպական տնտեսական տարածքի քաղաքացիների: Գործատուն պետք է ապացուցի, որ ինքը փորձել է և չի կարողացել գտնել համապատասխան աշխատողի նախքան ոչ առաջնահերթ երկրի քաղաքացու համար աշխատանքի թույլտվության համար դիմելը: Գործատուն աշխատանքի թույլտվության համար պետք է դիմի Աշխատանքի և եկամտի կենտրոն Ջոյտրմիրում: Գործատուն ձեզ համար լրացնում է համապատասխան ձևաթուղթը: Պահանջվող փաստաթղթերի մի մասը ներկայացնում է ձեր գործատուն, մի մասը՝ ներկայացնում եք դուք ինքներդ:

Աշխատանքի թույլտվության համար պահանջվող փաստաթղթերն են՝

- ձեր անձնագրի լուսապատճենը,
- կարճաժամկետ վիզայի համար ձեր դիմումի կամ կացության թույլտվության լուսապատճենը, MVV (եթե անհրաժեշտ է),
- դիպլոմներ և վկայականներ,
- Առևտրի պալատում գործատուի գրանցման փաստաթղթի պատճենը,
- աշխատանքային պայմանագիրը կամ գիտահետազոտական պլանը,
- տեղեկանք առանց հարկման ամսական աշխատավարձի վերաբերյալ,
- աշխատանքային պարտականությունների նկարագրությունը,
- առանց հարկման ամսական աշխատավարձը:

Աշխատանքի թույլտվություն ստանալու համար դուք պետք է ապացուցեք, որ վաստակելու եք որոշակի նվազագույն գումար: Պահանջվող ամսական նվազագույն գումարը կախված է ձեր կարգավիճակից՝

- Դասախոսություններ՝ 1.264,80 եվրո (առանց հարկման, արձակուրդային վճարը ներառված չէ).
- Գիտական հետազոտություններ՝
 - Որպես AIO/OIO դոկտորական հետազոտություն կատարելու դեպքում՝ սկսած առանց հարկման 1.813 եվրո առաջին տարում մինչև առանց հարկման 2.283 եվրո չորրորդ տարում.
 - Ոչ որպես AIO/OIO դոկտորական հետազոտություն կատարելու դեպքում՝ 1.264,80 եվրո (առանց հարկման, արձակուրդային վճարը ներառված չէ).

- Գիտահետազոտական աշխատանք՝ 1.264,80 եվրո (առանց հարկման, արձակուրդային վճարը ներառված չէ).
- Գիտական հետազոտություն՝ պահպանելով ձեր պայմանագիրը գործատուի հետ ձեր երկրում. նվազագույն առանց հարկման ամսեկան աշխատավարձի պահանջ չի դրվում:
- Ինտերնատուրա և աշխատանքային պրակտիկա անցնող ուսանողների դեպքում նվազագույն առանց հարկման ամսական աշխատավարձի պահանջ չի դրվում:
- Աստիճան ստանալուց հետո ինտերնատուրա անցնող շրջանավարտները՝ 1.264,80 եվրո (առանց հարկման, արձակուրդային վճարը ներառված չէ).
- Ուսանողներ, որոնք ուսմանը զուգընթաց աշխատում են (լրիվ դրույքով սեզոնային աշխատանք՝ հունիս, հուլիս և օգոստոս ամիսներին կամ ոչ լրիվ դրույքով՝ շաբաթական 10 ժամից ոչ ավելի)՝ նվազագույն առանց հարկման ամսական աշխատավարձի պահանջ չի դրվում:

Ինտերնատուրայի համար պահանջվող լրացուցիչ փաստաթղթեր (աշխատանքային պրակտիկա)

- ինտերնատուրայի համաձայնագիր,
- փաստաթուղթ ուսանողի ուսումնական հաստատությունից, որում նշված է, որ ինտերնատուրան ուսանողի ուսման անհրաժեշտ մասն է,
- փաստաթուղթ ընդունող հաստատությունից, որով ապացուցվում է, որ ուսանողը գրանցված է այնտեղ:

Աշխատանքի թույլտվությունը կարող է վավեր լինել մինչև երեք տարի ժամկետով: Երեք տարի աշխատելուց հետո ձեզ նոր թույլտվություն այլևս չի տրվի: Ժամանակավոր աշխատանքի թույլտվությունը (որ վավեր է երեք տարուց պակաս ժամկետով) հաճախ հնարավոր չէ երկարաձգել, սակայն ձեր գործատուն կարող է դիմել CWI-ին՝ այս հնարավորության մասին ավելի շատ տեղեկություններ ստանալու համար: Նիդեռլանդներում աշխատանքի և եկամուտների մասին հարցեր ունենալու դեպքում այցելեք՝ www.werk.nl

բ) աշխատանքային շուկայի այն հատվածները, որտեղ աշխատուժի պակաս կա

Նիդեռլանդներում այժմ կա միգրանտների կարիք, որոնք առողջապահության աշխատողներ (հատկապես բուժքույրություն և տնային խնամք) լինեն:

գ) աշխատանքի որոնման վեբկայքեր

www.agrojobs.nl: ակադեմիական աշխատանքներ (հոլանդերեն և անգլերեն)

www.academictransfer.nl: գրաֆիկական աշխատանք

www.cadjobs.nl: ճարտարապետական աշխատանքներ (հոլանդերեն և անգլերեն)

www.archined.nl: աշխատանք արտահանումների բնագավառում, մասամբ անգլերեն

www.export.nl: տրանսպորտ և օֆշորային ոլորտ

www.medweb.nl: բժշկական աշխատանքներ

www.detaching.pagina.nl

www.werving-selectie.pagina.nl

www.mercuri-urval.com

www.birdengineering.nl: կենսատեխնոլոգիա

www.fashionsolution.nl: պատրաստի հագուստ և մոդա

www.ranger.nl: բարձրագույն կրթությամբ մասնագետներ

www.elanit.nl: իՏ և Տ

www.yachtgroup.com: միջին մակարդակի մենեջմենթ

դ) Օ-պեր և այլ առանձնահատուկ օտարերկրյա աշխատանքի ծրագրեր

Միջազգային օ-պեր ծրագիր www.easyaupair.com

3. Ներգաղթ ուսումնառության նպատակներով

Մի հայացք կրթությանը՝

Առաջին աստիճաններ

- Մասնագիտական կրթության համալսարաններ՝ չորսամյա Բակալավրի աստիճան.
- Դասական համալսարաններ՝ եռամյա Բակալավրի աստիճան:

Տարիքը ավարտելու ժամանակ

21–23 տարեկան

Բարձրագույն աստիճաններ

- Մագիստրոսի աստիճան (մեկ կամ երկու տարի).
- Դոկտորի աստիճան (չորս տարի).
- Ասպիրանտական դիպլոմ:

Բարձրագույն աստիճանների համար անհրաժեշտ է ունենալ՝

- Ասպիրանտական դիպլոմի և Մագիստրոսի աստիճանի համար՝ Բակալավրի աստիճան կամ դրա համարժեքը.
- Դոկտորի աստիճանի համար՝ Մագիստրոսի աստիճան (բարձր գնահատականներով և հետազոտական հմտություններ):

Վճարները

- Ուսանող՝ 1.476 – 5.000 եվրո.
- Ասպիրանտ՝ 1.476 – 5.000 եվրո:

Բարձրագույն կրթություն

Գոյություն ունի երկու տեսակի բարձրագույն կրթություն՝ համալսարանական կրթություն, որն առաջարկվում է 47 համալսարաններում և բարձրագույն մասնագիտական կրթություն, որն առաջարկվում է 54 hogescholen-ներում (HBO).

Hogescholen (HBO) եզրը թարգմանվում է որպես «մասնագիտական կրթության համալսարաններ»: Սկսած 2002թ. սեպտեմբերից հոլանդական բարձրագույն կրթությունը վերակառուցվել է Բոլոնիայի համաձայնագրին համապատասխան:

Չհամալսարանական հատվածը

Չհամալսարանների շրջանավարտներն ստանում էին doctorandus (կրճատ՝ drs) կոչումը, ingenieur (ինժեներ, կրճատ՝ ir) կամ meester (մագիստրոս, կրճատ՝ mr)՝ կախված իրենց ուսումնառության ոլորտից:

Միջազգային համատեքստում հոլանդական օրենքն այս շրջանավարտներին արդեն թույլատրում էր օգտագործել առավել տարածված Մագիստրոսի աստիճանը:

Բոլոնիայի համաձայնագրի շրջանակներում հոլանդական համալսարանների շրջանավարտները երեք տարի սովորելուց և ավարտելուց հետո այժմ ստանում են Բակալավրի աստիճան: Հետևաբար հոլանդական Մագիստրոսի աստիճանը Նիդեռլանդների մի ժամանակվա առաջին աստիճանից այժմ դարձել է ասպիրանտական աստիճան:

Ոչ-համալսարանական հատվածը

HBO դասընթացներն ընդհանուր առմամբ ավելի քիչ տեսական են և ավելի շատ միտված են դեպի պրակտիկան, քան համալսարանական դասընթացները: HBO ուսանողներն ավարտում են որպես Բակալավր՝ չորս տարի սովորելուց հետո:

ա) Սուտքի և մնալու պայմանները ուսանողների համար (ուսանողական վիզա, կացության թույլտվություններ, աշխատելու իրավունքը, եթե կիրառելի է)

Եթե ուզում եք սովորել Նիդեռլանդներում երեք ամսից ավելի ժամանակով, դուք պետք է բավարարեք հետևյալ պայմանները և ունենաք հետևյալ փաստաթղթերը՝

- վավեր անձնագիր.
- Նիդեռլանդներում գործող առողջության ապահովագրություն.
- (նախնական) ապացույց այն մասին, որ գրանցված եք Հոլանդիայի կրթության նախարարության կողմից ճանաչված հոլանդական որևէ ուսումնական հաստատությունում,
- դուք պետք է ստորագրեք հայտարարություն տեղեկացվածության մասին.
- դուք չպետք է վտանգ ներկայացնեք հասարակական կարգին.
- դուք պատրաստ եք անցնել տուբեկուլոլոգի ստուգում.
- դուք ունեք բավարար ֆինանսներ:

Լրացուցիչ պայմաններ միջնակարգ և միջին մասնագիտական կրթության համար

Եթե ցանկանում եք սովորել որևէ ինստիտուտում միջնակարգ կամ միջին մասնագիտական կրթություն ստանալու համար, ապա պետք է բավարարեք նաև հետևյալ լրացուցիչ պայմանները՝

- դա պետք է լինի լիրաժեք զբաղվածությամբ ցերեկային կրթություն (այլ ոչ թե հեռակա կամ երեկոյան դասընթացներ).
- Նիդեռլանդները պետք է լինի ձեր մասնավոր ուսումնառության ամենահամապատասխան երկիրը և ձեր ուսումը պետք է ձեզ հնարավորություն տա դրական ներդրում ունենալ ձեր երկրում.
- դա պետք է լինի ուսումնական դասընթաց Միջնակարգ կրթության ակտի բովանդակության շրջանակներում:

Ինչ փաստաթղթեր են ձեզ անհրաժեշտ

Եթե ցանկանում եք Նիդեռլանդների գալ ուսման նպատակով և մնալ 3 ամսից ավել, ձեզ անհրաժեշտ է ունենալ մի շարք փաստաթղթեր: Դուք պետք է այդ փաստաթղթերից մի մասը ունենաք ժամանակավոր կացության (MVV) թույլտվության համար դիմելու ժամանակ: Այլ փաստաթղթեր չեն պահանջվում քանի դեռ Նիդեռլանդներ մուտք չեք գործել:

Նիդեռլանդներում սովորելու համար ձեզ անհրաժեշտ է ունենալ՝

- վավեր անձնագիր.
- ապացույց ձեր առողջական ապահովագրության մասին.
- ապացույց, որ ունեք բավարար ֆինանսներ.
- ստորագիր հայտարարություն ձեր կենսագրության վերաբերյալ.
- ստորագիր հայտարարություն տեղեկացվածության վերաբերյալ.
- (նախնական) գրանցում Զոլանդիայի կրթության նախարարության կողմից ճանաչված հոլանդական որևէ ուսումնական հաստատությունում.
- անձնագրի երկու գունավոր լուսանկար:

Միայն միջնակարգ կամ միջին մասնագիտական կրթության դեպքում՝

- գրավոր բացատրություն այն մասին, թե ինչու է Նիդեռլանդները ամենահամապատասխան երկիրը ձեր ուսման համար և ինչով է այս ուսումը իրական արժեք ներկայացնում ձեր երկրի աշխատաշուկայի համար:

Ժամանակավոր կացության լիազորում

Ձեզ անհրաժեշտ է ունենալ լիազորություն ժամանակավորապես մնալու համար (MVV): Դուք MVV-ի համար դիմում եք ներկայացնում ձեր երկրում: Այնուհետև օգտագործում եք MVV-ն Նիդեռլանդներ ճանապարհորդելու համար: Նիդեռլանդներ հասնելուն պես դուք պետք է առաջին հերթին ներկայանաք Օտարերկրացիների ոստիկանություն: Այնուհետև դիմելու եք իշխանություններին ժամանակավոր կացության թույլտվություն ստանալու համար:

Դիմում ժամանակավորապես մնալու լիազորության համար

Ժամանակավորապես մնալու լիազորության (MVV) ընթացակարգը կարող եք սկսել 2 տարբեր ձևերով՝

- Նիդեռլանդների ձեր հովանավորն սկսում է MVV գործընթացը, դիմելով Ներգաղթի և նատուրալիզացիայի ծառայություն (IND) խորհուրդ ստանալու համար,

- դուք եք ձեր երկրում դիմում MVV-ի համար՝ Նիդեռլանդների դեսպանատուն կամ հյուպատոսարան:
- Հովանավորի կողմից խորհուրդ ստանալու համար դիմելու նպատակն է օգնել MVV-ի համար ձեր դիմումին, որը դրանից հետո դուք պետք է ներկայացնեք դեսպանատուն: Որոշումն ի պատասխան խորհուրդ ստանալու համար ներկայացված դիմումի կարող է լինել միայն դրական կամ բացասական: Դուք չեք կարող դիմում թողնել վերանայման համար: Դեսպանատանը ձեր ներկայացրած դիմումը պաշտոնական դիմում է: Դուք կարող եք բացասական որոշման դեպքում ներկայացնել դիմում վերանայման խնդրանքով: Ավելի շատ մանրամասների համար կարող եք այցելել հետևյալ վեբկայքը՝ www.ind.nl

Աշխատանքի թույլտվություն (tewerkstellingsvergunning, TWV) – ակադեմիական այցելուների համար

Ակադեմիական այցելուների որոշ խմբերի համար աշխատանքի թույլտվությունները պարտադիր են՝

- Դասախոսներ (բացառությամբ՝ հրավիրված դասախոսների, որոնք մնում են առավելագույնը 12 ամիս)։
- Գիտական հետազոտողներ (այդ թվում դոկտորական աշխատանք կատարող ուսանողներ)։
- Ինտերնատուրա կամ աշխատանքային պրակտիկա անցնող ուսանողներ։
- Շրջանավարտներ, որոնք անցնում են ինտերնատուրա աստիճան ստանալուց հետո։
- Ուսանողներ, որոնք ուսմանը զուգընթաց աշխատում են (լրիվ դրույքով սեզոնային աշխատանք՝ հունիս, հուլիս և օգոստոս ամիսներին կամ ոչ լրիվ դրույքով՝ շաբաթական 10 ժամից ոչ ավելի)։

Հետևյալ կատեգորիաներն ազատված են աշխատանքի թույլտվություն ունենալուց՝

- գիտական հետազոտողներ, որոնք իրենց հետազոտությունները կատարում են ԵՄ-ից, Նիդեռլանդների կառավարությունից կամ հոլանդական որևէ համալսարանից կամ գիտահետազոտական ինստիտուտից ստացած դրամաշնորհով / կրթաթոշակով։
- ԵՄ գործողության, օրինակ Լեոնարդո դա Վինչի ծրագրի մասնակիցներ։
- հրավիրված դասախոսներ, որոնք մնում են 12 ամսից ոչ ավելի։

բ) Ուսանողական և ասպիրանտական կրթաթոշակներ

Ասպիրանտական կրթություն

Հոլանդական HBO (Hoger Beroeps Onderwijs, որը նշանակում է քուլտուրային «Մասնագիտական կրթության համալսարանի» մակարդակ) շրջանավարտները և օտարերկրյա շրջանավարտները, որոնց առաջին աստիճանը համարժեք է Բակալավրի աստիճանին և որոնք ցանկանում են ասպիրանտական կրթություն ստանալ Նիդեռլանդներում, կարող են ընդունվել որևէ համալսարան Մագիստրոսի ծրագրում սովորելու համար, սակայն երկու խմբերն էլ պետք է նախ և առաջ բավարարեն լրացուցիչ պահանջներ:

Բացի դրանից, գոյություն ունի ասպիրանտական կրթության երեք հատուկ տեսակ, որտեղ կարող են ընդունվել հոլանդական համալսարանի կամ HBO աստիճանին համարժեք աստիճան ունեցող օտարերկրյա շրջանավարտները՝ մասնագիտական ծրագրեր, ակադեմիական ծրագրեր և դոկտորական ծրագրեր:

Մասնագիտական ծրագրեր

Այս դասընթացներն ավելի բարձր մակարդակի են, քան HBO Բակալավրի աստիճանը, ներառելով խորը մասնագիտացում այն բնագավառում, որում շնորհված է նախնական աստիճանը: Դրանց որոշ մասը հասցնում է Մագիստրոսի աստիճանի: Համալսարանների շրջանավարտները սովորաբար այս դասընթացներում չեն սովորում:

Ակադեմիական ծրագրեր

Սրանք դասընթացներ են, որոնք ներառում են մասնագիտացում մեկ այլ ոլորտում: Հոլանդական համալսարանների շրջանավարտների համար այդ դասընթացների մի մասը կարող են հասցնել երկրորդ Մագիստրոսի աստիճանի շնորհման:

Դոկտորանտուրա

Դոկտորի աստիճանին հասնում են պրոֆեսորի անմիջական ղեկավարությամբ իրականացվող օրիգինալ հետազոտություն կատարելով և հետո արդյունքները գիտական թեզում ներկայացնելով ու քննարկելով, որը կարող է գրքի տեսք ստանալ: Բացի գիտական թեզից լրացուցիչ դասընթաց չի պահանջվում:

Դոկտորական աստիճանի թեկնածուն աշխատում է անկախ և լրիվ դրույքով, սովորաբար չորսից մինչև հինգ տարի: Օտարերկրյա և հոլանդացի ուսանողները կարող են դիմել աշխատանքի համար որպես *promovendus* հոլանդական համալսարանում (օրինակ, գիտությունների գծով):

Նիդեռլանդներում հազվադեպ են այսպես կոչված «ուսուցանվող» դոկտորական ծրագրերը:

Շատ հաճախ օտարերկրյա շրջանավարտը կարող է դոկտորի աստիճան ստանալ օգտագործելով «սենդվիչի» մոդելը. նա պատրաստում է գիտական հետազոտության ծրագիր որևէ հոլանդական համալսարանում, դաշտային աշխատանքը կատարում է իր երկրում, իսկ հետո վերադառնում է հոլանդական համալսարան՝ գիտական թեզը գրելու և պաշտպանելու համար:

Դոկտորական կրթաթոշակներ սոցիալական գիտությունների, մաթեմատիկայի, վիճակագրության կամ տնտեսագիտության բնագավառներում

Սոցիալական գիտության տեսության և մեթոդաբանության միջհամալսարանական կենտրոնը (ICS) միջազգային ճանաչում ունեցող հետազոտական և ուսանողների վերապատրաստման դպրոց է, որը գտնվում է Նիդեռլանդներում Գրոնինգենի, Ուտրեխտի և Նիյմեգենի համալսարաններում:

ICS-ը որևէ սոցիալական գիտության գծով վերջերս ավարտած գերազանց թեկնածուների առաջարկում է լրիվ ֆինանսավորվող դոկտորանտուրա մի քանի ծրագրերի համար: Հրավիրվում են դիմումատուներ նաև Մաթեմատիկայի, վիճակագրության կամ Տնտեսագիտության շրջանավարտներից:

Դոկտորանտուրայի ուսանողները նշանակվում են լրիվ չորս տարի ժամանակով և ծրագրերի վրա աշխատում են անհատապես, որը հանգեցնում է դոկտորական թեզի: Առատաձեռն կրթաթոշակները ծածկում են ուսման, գիտական հետազոտությունների և ապրելու ծախսերը: Աշխատավարձը կազմում է նշանակման առաջին տարում մոտավորապես 2.000,00 եվրո՝ չներառելով հարկերը և չորրորդ տարում բարձրանում է մինչև մոտավորապես 2.558,00 եվրո՝ չներառելով հարկերը: Ուսման վարձեր չկան:

Լիարժեք տեղեկություններ ICS-ի և առկա դոկտորական պաշտոնների վերաբերյալ կարող եք գտնել ICS-ի կայքում

<http://www.ics-graduateschool.nl>

զ) Հիմնական համալսարանների և քոլեջների ցանկը

Ամստերդամի համալսարան (www.uva.nl)

Այս համալսարանը համապարփակ հետազոտական հաստատությունն է, գտնվում է Ամստերդամ քաղաքի կենտրոնում: Ունի յոթ ֆակուլտետ՝ Հումանիտար, Սոցիալական և վարքի գիտություններ,

Տնտեսագիտություն, Իրավունք, Գիտություն, Բժշկություն և Ատամնաբուժություն: Այն ունի ուժեղ միջազգայնացված ծրագիր և առաջարկում է անգլերեն լեզվով ավելի քան 85 Մագիստրոսի աստիճանի ծրագրեր, ինչպես նաև հոլանդերեն և անգլերեն լեզուների մի շարք դասընթացներ:

Ակադեմիական բժշկական կենտրոն
(<http://www.amc.uva.nl/index.cfm?sid=818>)

AMC-ն համալսարանական հիվանդանոց է և հանդիսանում է Ամստերդամի համալսարանի բազային հիվանդանոցը: Այն Նիդեռլանդների ամենախոշոր և առաջատար հիվանդանոցներից է, գտնվում է քաղաքի հարավարևելյան հատվածի Բիլլմեր թաղամասում:

Գրոնինգենի համալսարան (www.rug.nl)

Գրոնինգենի համալսարանը, որը գտնվում է Գրոնինգեն քաղաքում, հիմնադրվել է 1614թ.: Այն Նիդեռլանդների երկրորդ ամենահին և երրորդ ամենամեծ համալսարանն է:

Մասստրիխտի համալսարան (www.unimaas.nl)

Մասստրիխտի համալսարանը հիմնվել է 1976թ.: Նիդեռլանդների երկրորդ ամենաերիտասարդ համալսարանն է և կրթության առումով երկրում մշտապես դասվում է ամենաառաջատար համալսարանների շարքում:

Մասստրիխտի համալսարանն ունի շուրջ 11.500 ուսանող և 3.000 աշխատող, սովորողների 30%-ն օտարերկրյա ուսանողներ են: Համալսարանը հայտնի է պրոբլեմային հիմքով՝ որպես նորարարական ձևով ուսուցման իր մեթոդաբանությամբ: Բակալավրի աստիճանի ծրագրերի շուրջ կեսն առաջարկվում է ամբողջովին անգլերեն լեզվով, իսկ մնացած կեսը դասավանդվում է հոլանդերեն: Ասպիրանտական ծրագրերը հիմնականում անգլերեն են:

Ուտրեխտի համալսարան (www.uu.nl)

Սա Նիդեռլանդների ամենահին և Եվրոպայի ամենախոշոր համալսարաններից է: Ըստ Աշխարհի համալսարանների ակադեմիական աստիճանակարգման, համարվում է Եվրոպայի յոթերորդ լավագույն համալսարանը:

Ֆոնտիսի կիրառական գիտությունների համալսարան
<http://www.fontys.nl>

դ) Օտարերկրյա ուսանողների ծրագրեր, որտեղ կիրառելի է

Ուսումը Նիդեռլանդներում

www.studyin.nl

Տալիս է խորհուրդներ Նիդեռլանդներում սովորելու վերաբերյալ:

Ուսումը Եվրոպայում

www.studyEurope.hobsons.com

Ներառում է կրթական համակարգերի պրոֆիլներ և ուսման հնարավորություններ ամբողջ Եվրոպայում:

Նիդեռլանդների կրթաթոշակային ծրագիր

Ընդհանուր տեղեկություններ

NFP-ն Ասիայի, Աֆրիկայի, Լատինական Ամերիկայի և Արևելյան Եվրոպայի համար՝ Նուֆիկ, Նիդեռլանդներ: NFP-ի ենթածրագրերն են՝ Կրթաթոշակներ Մագիստրոսի աստիճանի ծրագրերի համար, Կրթաթոշակներ կարճ դասընթացների համար, Կրթաթոշակներ դոկտորական հետազոտությունների համար, Թարմացնող դասընթացներ և պատվերով կազմվող վերապատրաստումներ. NFP-ն նախաձեռնվել և լիովին ֆինանսավորվում է Նիդեռլանդների արտաքին գործերի նախարարության կողմից:

<http://www.studyin.nl/scholarships/>

<http://www.nuffic.nl/nfp>

4. Կացությունը (ժամանակավոր, մշտական, նորացվող)

Ժամանելով Նիդեռլանդներ (եթե եՄ քաղաքացի չէք), դուք պետք է երեք աշխատանքային օրվա ընթացքում գրանցվեք Օտարերկրացիների ոստիկանությունում (Vreemdelingenpolitie): Օտարերկրացիների ոստիկանության բաժանմունքներ կարելի է գտնել Նիդեռլանդների գրեթե բոլոր կառավարման մարմինների ոստիկանության բաժիններում: Դրանք վերահսկում են օտարերկրյա քաղաքացիներին Նիդեռլանդներում:

Պահանջվող փաստաթղթերն են՝

- Վավեր անձնագիր,
- Հասցե Նիդեռլանդներում,
- Ապացույց մնալու համար բավարար միջոցների մասին:

Ոստիկանությունը պիտակ է փակցնում անձնագրում, որում նշված է, թե մինչև երբ կարող եք օրինական կարգով մնալ Նիդեռլանդներում (վիզայի տևողությունը կամ երեք ամսվա թույլտվություն): Ոստիկանությունը

տալիս է քարտ, որում նշվում է, որ անձնագրի տերը երկրում գտնվում է օրինական կարգով:

Օտարերկրացիների ոստիկանությանը, Ազգային ոստիկանությանը հարցեր ուղղելու հեռախոսահամար՝ 362. 0900 8844

Ժամանակավոր կացության թույլտվության համար կարելի է դիմել տեղական կառավարման մարմնի Քաղաքիական գործերի վարչություն: IND-ն ստուգում է, թե արդյոք դուք բավարարում եք բոլոր պայմանները և անցկացնում է տուբերկուլյոզի թեստ:

Կացության թույլտվությունների դիմումները (VVR) նույնպես ներկայացվում են տեղական կառավարման մարմին: Պահանջվող փաստաթղթերը պայմանավորված են ձեր մնալու նպատակով, սակայն միշտ անհրաժեշտ են վերջերս կատարված անձնագրի լուսանկար և վավեր անձնագիր: Կառավարման մարմինն այնուհետև պիտակ է փակցնում ձեր անձնագրում՝ ապացուցելու, որ քանի դեռ սպասում եք IND-ի որոշմանը (որը կարող է տևել մինչև վեց ամիս), դուք Նիդեռլանդներում ապրում եք օրինական կարգով:

Ընդհանրապես կացության թույլտվությունը տրվում է մեկ տարով և թարմացվում է ամեն տարի, եթե դուք շարունակում եք բավարարել պայմանները:

Կացության թույլտվության երկարաձգումը

Առաջին տարին անցնելուց հետո հնարավոր է դիմել կացության թույլտվության երկարաձգման համար: Դա անհրաժեշտ է անել նախքան դրա ժամկետը լրանալը: Սովորաբար IND-ն թույլտվության ժամկետը լրանալուց երեք ամիս առաջ ձեզ ուղարկում է նամակ՝ դիմումի ձևաթղթի հետ միասին: Ձեր թույլտվության երկարաձգումը և տևողությունը կախված է ձեր իրավիճակից. երկարաձգման առավելագույն ժամկետը հինգ տարի է:

Կացության թույլտվությունը փոխելը

Անհրաժեշտ է դիմել փոխելու կացության թույլտվությունը, եթե՝

- Մնալու նպատակը, պատճառը փոխվում է,
- Փոփոխություն է տեղի ունեցել անձնական իրավիճակում,
- Փոփոխություն է տեղի ունեցել հովանավորի իրավիճակում, օրինակ, փոխվել է գործատուն կամ դուք ցանկանում եք մնալ մեկ այլ անձի հետ:

Կացության թույլտվություն շարունակվող կացության համար

Որոշակի ժամանակով կացության թույլտվությամբ Նիդեռլանդներում մնացող անձը կարող է ստանալ շարունակվող կացության թույլտվություն: Այդպիսի թույլտվություններից մեկի համար դիմելու համար դուք պետք է՝

- լինեք ամուսնացած կամ ունենաք գրանցված պարտնյորություն ավելի քան երեք տարի,
- լինեք ամուսնացած կամ ունենաք գրանցված պարտնյորություն և ձեր ամուսինը/կինը/պարտնյորը մահանում է,
- լինեք ամուսնացած կամ ունենաք գրանցված պարտնյորություն և ունենաք մարդասիրական բնույթի պատճառներ,
- լինեք անչափահաս և ունեցած լինեք կացության թույլտվություն ավելի քան մեկ տարի ժամանակով՝ հնարավոր դարձնելով ծնողի հետ ձեր մնալը,
- լինեք անչափահաս և ձեր ծնողը կամ որդեգրող/խնամակալ ծնողը մահացել է,
- Լինեք 18 տարեկան և ավելի և ծնողի հետ մնացած լինեք երեք կամ ավելի տարի,
- Լինեք 18 տարեկան և ավելի և ձեր ծնողը մահացել է,
- Լինեք ընտանեկան բռնության զոհ,
- Լինեք ծնող և ձեր երեխայի հետ մնացած լինեք ավելի քան երեք տարի,
- Ունեցած լինեք կացության թույլտվություն ավելի քան երեք տարի որպես միայնակ անչափահաս օտարերկրյա քաղաքացի,
- Ունեցած լինեք կացության թույլտվություն ավելի քան երեք տարի, որովհետև չեք կարողացել հեռանալ Նիդեռլանդներից ձեր վերահսկողությունից դուրս հանգամանքների բերումով,
- Ունեցած լինեք կացության թույլտվություն ավելի քան երեք տարի բուժման պատճառներով և անհրաժեշտ է հետագա բուժում առնվազն մեկ տարվա տևողությամբ:

5. Ապաստանի ընթացակարգը

Եթե ցանկանում եք դիմել Նիդեռլանդներում ապաստան ստանալու համար, դուք պետք է գնաք դիմումի կենտրոն (ԴԿ):

Դուք ներկայացնում եք ձեր դիմումը այս կենտրոնում, որտեղ և տեղի է ունենում ձեր դիմումի նախնական գնահատումը:

Ապաստանի համար ձեր դիմումով դուք խնդրում եք Նիդեռլանդների կառավարությանը ձեզ շնորհել կացության թույլտվություն: Ներգաղթի և

նատուրալիզացիայի ծառայությունը (IND) հետաքննում է, թե արդյոք ձեզ հասնում է այդպիսի թույլտվություն: Գրանցումից հետո ձեզ կտանեն ժամանակավոր ընդունման կենտրոն: Դուք կվերադառնաք դիմումի կենտրոն հարցազրույցների համար: Եթե IND–ն բավարարի ձեր ապաստանի դիմումը, դուք կստանաք ժամանակավոր ապաստանի թույլտվություն և ձեզ կթույլատրվի Նիդեռլանդներում մնալ որոշ ժամանակ: Եթե ձեր դիմումը մերժվում է, դուք պետք է հեռանաք Նիդեռլանդներից: Ձեզ հանձնվելիք դիմումի մեջ նշված կլինի այն ժամկետը, որում պետք է հեռանաք Նիդեռլանդներից: Դուք պատասխանատու եք ձեր մեկնումը կազմակերպելու համար: Եթե դուք նշված ժամանակամիջոցում անկախ կերպով չմեկնեք, ձեզ կվտարեն կամ կպահանջեն վերադառնալ հսկողության ներքո: Եթե հայրենադարձության համար օգնության կարիք ունենաք, կարող եք դիմել Միգրացիայի միջազգային կազմակերպություն (IOM): Եթե ձեզ շնորհվի ապաստանի կացության թույլտվություն՝

- դուք պետք է մասնակցեք քաղաքացիական ինտեգրման դասընթացի.
- ձեզ կթույլատրվի աշխատել.
- ձեզ կթույլատրվի վերամիավորվել ձեր ընտանիքի՝ ամուսնու/կնոջ, պարտնյորի կամ երեխայի հետ.
- ձեզ կհասնի բնակարան.
- դուք կկարողանաք դիմել փախստականի անձնագրի համար այն շրջանի տեղական կառավարման մարմնում, որտեղ ապրում եք.
- դուք կկարողանաք դիմել հոլանդական քաղաքացիություն ստանալու համար, եթե Նիդեռլանդներում ապրել եք առնվազն 5 տարի՝ հիմնվելով վավեր կացության թույլտվության վրա և դիմումը ներկայացնելու ժամանակ ունեք մշտական կացության թույլտվություն կամ ոչ-ժամանակավոր բնույթի այլ կացության թույլտվություն.
- դուք կկարողանաք սովորել դպրոցում.
- ձեզ կհասնի ֆինանսական օգնություն ուսանողների համար:

Ապաստանի մասին ավելի շատ տեղեկությունների համար տես՝ <http://www.ind.nl>

6. Ընտանիքի վերամիավորում

Եթե ցանկանում եք մնալ Նիդեռլանդներում ընտանիքի վերամիավորման նպատակով, ձեզ անհրաժեշտ է բավարարել հետևյալ պահանջները՝

Ամուսնու/Կնոջ դեպքում՝

- դուք Նիդեռլանդներում ինչ-որ մեկի հետ ամուսնացած եք կամ հանդիսանում եք նրա (գրանցված) պարտնյորը.
- դուք երկուսդ էլ 18 տարեկան եք կամ ավելի.
- ձեր ամուսինը կամ կինը կամ (գրանցված) պարտնյորն ունի բավարար միջոցներ երկար ժամանակ ապրելու համար.
- դուք մասնակցել և անցել եք քաղաքացիական ինտեգրման քննությունը կամ ձեզ ազատել են դրանից:

Անչափահաս երեխայի դեպքում՝

- դուք հանդիսանում եք մեկի կենսաբանական կամ օրինական երեխան, որը բնակվում է Նիդեռլանդներում.
- դուք ապրելու եք Նիդեռլանդներում՝ ձեր ծնողի կամ իրավական ներկայացուցչի հետ.
- ձեր ծնողն ունի բավարար միջոցներ երկար ժամանակ ձեզ պահելու համար.
- եթե դուք 16 տարեկան եք և ավելի. մասնակցել և անցել եք քաղաքացիական ինտեգրման քննությունը կամ ձեզ ազատել են դրանից:

Չափահաս երեխաները նույնպես կարող են դիմել, եթե ի լրումն վերը նշված պահանջի, կարող են ապացուցել, որ իրենց քաղաքացիության երկրում մնալը անհարկի դժվարություն կստեղծի իրենց համար: Սա նշանակում է, որ եթե իրենք մնային իրենց քաղաքացիության երկրում, նրանց կդնեին բացառիկորեն տառապալից իրադրության մեջ:

Ծնողի դեպքում՝

- ձեր տարիքը 65 է և ավելի.
- դուք ամուսնացած չեք.
- ձեր համարյա բոլոր երեխաները օրինական կացություն ունեն Նիդեռլանդներում.
- ձեր երկրում երեխա չունեք, որը կարող է պահել ձեզ.
- Նիդեռլանդներում ապրող ձեր երեխաներն իրար մեջ բավականաչափ միջոցներ ունեն երկար ժամանակով պահելու թե՛ ձեզ և թե՛ իրենց սեփական ընտանիքը:

Ընտանիքի անդամները պետք է դիմեն MVV-ի և ժամանակավոր կացության թույլտվության համար:

7. Առողջապահության համակարգ

Բժշկական ապահովագրությունը պարտադիր է, երբ ապրում և/կամ աշխատում եք Նիդեռլանդներում: Գոյություն ունի ընդհանուր հիմնական ապահովագրություն, որը բժշկական ծախսերի դիմաց փակվում է մասնավոր ապահովագրողների կողմից: Ցածր եկամուտներ ունեցողներն իրավունք ունեն օգտվել այսպես կոչված «խնամքի նպաստից» (zorgtoeslag), որը կազմում է տարեկան ամենաքիչը մինչև 330 եվրո:

Ծածկույթը շատ հիմնական է: Դրա համար ձեզ խորհուրդ է տրվում հանել այսպես կոչված «լրացուցիչ ծածկույթը» հետևյալ ծախսերի համար՝

- սովորական ատամնաբուժություն.
- ֆիզիոթերապիա և
- այլ երկարատև բուժումներ:

Պարտադիր չէ, որ հիմնական ապահովագրությունը և լրացուցիչ ապահովագրությունը հանվեն միևնույն ապահովագրական ընկերությունից:

Եթե ապրում եք Նիդեռլանդներում, ապա պետք է կցվեք թերապևտի (huisarts): Դուք կարող եք ինքներդ ընտրել ձեր թերապևտին, սակայն ձեր ընտրությունը սահմանափակվում է այն թաղամասով, ուր ապրում եք: Թերապևտների մեծ մասն ունի խորհրդատվական ժամեր որոշակի ժամանակներում, որոնց համար պետք է նախօրոք պայմանավորվեք: Եթե մասնագիտական բուժման կարիք կա, թերապևտը ձեզ կուղեգրի հիվանդանոց կամ մասնագետ բժշկի մոտ: Առանց թերապևտի ուղեգրի հիվանդանոցի կամ մասնագետի կողմից բժշկական օգնություն չի ցուցաբերվի: Բացառություններ են՝

- ատամնաբուժությունը.
- բուժում ավելի մեծ հիվանդանոցների պատահարների և արտակարգ օգնության բաժանմունքներում:

8. Սոցիալական ապահովության համակարգ

Սոցիալական ապահովության կազմակերպումը. BBZ (Bijstands Besluit Zelfstandigen)

Հոլանդական սոցիալական ապահովության համակարգը ԵՄ-ում ամենահամապարփակներից մեկն է:

Նիդեռլանդներում աշխատանքի անցնելուն պես դուք կսկսեք ավտոմատ կերպով վճարումներ կատարել հոլանդական սոցիալական ապահովության համակարգ: Սոցիալական ապահովության ավանդների

մեծ մասն ավտոմատ կերպով հանվում է ձեր աշխատավարձից: Այսպես կոչված աշխատողի ապահովագրության դեպքում վճարումներ կատարում եք թե՛ դուք և թե՛ գործատուն: Եթե դուք Նիդեռլանդների օրինական բնակիչ եք, բայց ինքներդ ձեզ պահելու միջոցներ չունեք հետևյալ պատճառներով՝

- երկարատև հաշմանդամություն.
- գործազրկություն,

դուք կարող եք նպաստ պահանջել Նիդեռլանդների կառավարությունից (Սոցիալական հարցերի նախարարություն):

Ձեզ հասանելիք հնարավոր նպաստը ոչ ձեր կամքով գործազուրկ լինելու պատճառով նպատակ ունի ծառայել որպես ժամանակավոր կամրջման միջոցառում: Ձեր գործն է ամեն ջանք գործադրել հնարավորինս շուտ մեկ այլ աշխատանք գտնելու համար: Այս կապակցությամբ ամեն աշխատանք հարմար է համարվում: Աշխատողների ապահովագրման գործակալությունը (Uitvoeringsinstituut Werknemersverzekeringen – UWV) Նիդեռլանդներում ապրող աշխատանք փնտրողներին խորհուրդներ է տալիս հեռախոսով, նրանց հեռախոսահամարն է՝ 0031 113750350:

9. Բնակարաններ

Նիդեռլանդներում տների 46%-ը վարձվում են: Երկրին նույնիսկ առավել բնորոշ է այն, որ սոցիալական վարձակալության տները մեծ մաս են կազմում, այժմ ներկայացնելով ընդհանուր բնակարանային ֆոնդի մոտավորապես 35%-ը (կամ շուրջ 2,4 միլիոն բնակարան) և վարձակալվող ֆոնդի 75%-ը: ԵՄ-ի ուրիշ ոչ մի երկիր չունի սոցիալական վարձակալության բնակարանների այդպիսի բարձր տոկոս: Դրանք պատկանում են հիմնականում բնակարանային ասոցիացիաների և կառավարվում են նրանց կողմից:

Վարձակալվող բնակֆոնդը հիմնականում կարգավորվում է: Այսօր վարձակալվող բնակֆոնդի 95%-ը ենթարկվում է հատուկ կարգավորման: Քանի որ եղած վարձակալվող բնակարանները փոքր թիվ են կազմում, դուք պետք է հերթագրվեք:

Արագ արդյունքի հնարավորությունը նվազում կամ մեծանում է՝ կախված գների այն միջակայքից, որով դուք ցանկանում եք բնակարան վարձակալել:

Խորհուրդ է տրվում մշտական կապի մեջ լինել բնակարանային այն կորպորացիայի հետ, որում գրանցված եք:

Ձեզ թույլատրվում է հրաժարվել ձեզ առաջարկվող բնակարանից միմիայն սահմանափակ հանգամանքների դեպքում:

Եթե դուք ստորագրում եք վարձակալության պայմանագիր, սովորաբար ձեզանից խնդրվում է վճարել ավանսային գումար (օրինակ, մեկ ամսվա վարձավճարին համարժեք գումար, որը վերադարձվում է վարձակալության ավարտին): Վարձակալության պայմանագրերի դադարեցման համար անհրաժեշտ է ծանուցել առնվազն մեկ ամիս առաջ:

Դուք կարող եք ստուգել վարձավճարի գումարը, դիմելով այսպես կոչված «Վարձավճարային հանձնաժողովին»: Այցելեք Բնակարանային ապահովման, տարածական պլանավորման և շրջակա միջավայրի նախարարություն (VROM) (<http://www.vrom.nl/pagina.html?id=8061>)

Վարձավճարի սուբսիդիա

Եթե վարձավճարի գումարը ամսական 162,45 – 541,36 եվրո է, հնարավոր է, որ ձեզ հասնի վարձավճարի սուբսիդիա: Դա կախված է ձեր եկամտից, գույքից, տարիքից և ընտանիքի կառուվածքից:

Տուն գնելը

Բազմաթիվ հողանդացիներ տուն են գնում: Հարկային արտոնությունը գրավադրման փոխառության տոկոսադրույքի վճարումների նկատմամբ տուն գնելը դարձնում է շահավետ:

Տուն գնելու համար կարող եք այցելել անշարժ գույքի գործակալի կամ այցելել այն վեբկայքերը, որտեղ գործակալները ներկայացնում են վաճառվող տները:

Գործակալությունները պահանջում են միջնորդավճար վաճառքի գնի վրա: Հաշվի առեք, որ գնանշումների մեծ մասը չի ներառում այնպիսի բաներ, ինչպիսիք են գործակալի կամ փոխանցման վճարները: Դրանք հայտնի են որպես «գնելու գներ»: Սակայն նոր տների վաճառքի դեպքում նշված գները սովորաբար ներառում են ամեն ինչ: Գնման վկայականը կազմվում է նոտարի կողմից, որը նշանակում է նաև վճար: Եթե կա գրավադրման փոխառություն, դրա վկայականը նույնպես կազմվում է նոտարի կողմից: “Eigen Huis” ասոցիացիան կարող է տալ գործնական խորհուրդներ և անձին օժանդակել գնումից ինչպես առաջ, այնպես էլ հետո:

Փախստականներ

Ըստ Հոլանդական բնակարանային ապահովման ակտի (հոլանդերեն՝ “Huisvestingswet (Hvw)”, յուրաքանչյուր վեց ամիսը մեկ իշխանությունները պարտավոր են պատշաճ բնակարան հատկացնել կամ ապրելու տեղով ապահովել որոշակի թվով փախստականների և իրենց ձեռքբերումների մասին ներկայացնել հաշվետվություն: Բնակարանային ասոցիացիաների համար փախստականները

պատկանում են առաջնահերթ թիրախային խմբերի: Չկա կառավարության առանձնահատուկ բնակարանային քաղաքականություն, որը հաշվի առնի ոչ-արևմտյան ներգաղթողների կացարանային ավանդույթները, քանի որ նրանց բնակարանային պայմանները քիչ թե շատ նման են տեղի բնակչության բնակարանային պայմաններին:

Բնակարանների հատկացման մասին ավելի շատ տեղեկություններ կարելի է ձեռք բերել հետևյալ հասցեով՝ <http://international.vrom.nl/pagina.html?id=7557>
Բնակարանների վերաբերյալ կայքերի ցանկը կարելի է գտնել հետևյալ հասցեով՝ <http://international.vrom.nl/pagina.html?id=10951>

10. Դիպլոմների ճանաչում (պայմանները, համապատասխան մասնագիտական մարմինները)

Նուֆիկը դիպլոմների միջազգային ճանաչման Եվրոպայի խոշորագույն ու հանրահայտ կենտրոններից մեկն է: Կենտրոնն այս ինֆորմացիան հաղորդում է հոլանդական և միջազգային կազմակերպությունների՝ իր կրեդիտների գնահատման ծառայությունների միջոցով:

Նիդեռլանդների կրթության, մշակույթի և գիտության նախարարության կողմից Նուֆիկը նշանակվել է որպես հոլանդական ճանաչման ինֆորմացիոն կենտրոն Եվրոպական երկու ցանցերի՝ NARIC-ի և ENIC-ի համար: Կենտրոնն այս բնագավառի բազմաթիվ տարիների փորձ ունի և գործում է բոլոր կազմակերպությունների համար, որոնք իրենց գործի առումով առնչվում են օտարերկրյա դիպլոմների հետ: Դրանք են՝ համալսարաններ, այլ բարձրագույն ուսումնական հաստատություններ, ընկերություններ և նախարարություններ: Նուֆիկն առաջարկում է հետևյալ ծառայություններն ու պրոդուկտները կրեդիտների գնահատման բնագավառում՝

- Օտարերկրյա դիպլոմների գնահատում (մուտքի շարժումություն).
- Կրեդիտների գնահատման դասընթացներ.
- Ինֆորմացիոն ծառայություններ:

Ստուգել՝ www.idw.nl և

<http://www.nuffic.nl/international-organizations/services/professional-recognition>

11. Աջակցության ծառայություններ ներգաղթածներին

Ներգաղթի և նատուրալիզացիայի ծառայություն (IND)

Immigratie- en Naturalisatiedienst
Afdeling Voorlichting
Postbus 3211
2280 GE Rijswijk
0900-1234561
+31 20 8893045 (արտասահմանից զանգահարելիս)
www.ind.nl

Միգրացիայի միջազգային կազմակերպություն (IOM)

Ներկայացուցչությունը Նիդեռլանդներում

P.O. BOX 10796
2501 ht the Hague
Հեռ՝ + 31 70 318 15 00
Ֆաքս՝ + 31 70 338 54
Էլ-փոստ՝ Missionthehague@iom.int
Վեբկայք՝ www.iom-nederland.nl

Կորած անձանց օգնության գիծ

Ձեր բոլոր հարցերի և օգնության կարիք ունենալու դեպքում զանգահարեք մեր անվճար հեռախոսահամարով՝ 0800 - VERMIST / 0800 83 76 468, եթե զանգահարում եք Նիդեռլանդներից (աշխատում է օրական 24 ժամ, 7 օր) կամ (+) 31 70 44 55 618, եթե զանգահարում եք արտասահմանից:

Ստրկական աշխատանք Նիդեռլանդներում -

<http://www.blinn.nl/?c=home&lang=gb>

Ծրագրի նպատակն է թրաֆիքինգի ենթարկված անձանց կառուցվածքային առաջարկություն կատարել ավելի լավ ապագա ունենալու համար: Հիմնվելով անհատական կարիքների, հետաքրքրությունների և ունակությունների վրա, մշակվում է աջակցության ծրագիր:

BLinN - Humanitas / Novib
Հիմնական հասցեն՝ Weteringschans 259
Փոստային հասցեն՝ Postbus 71
1000 AB Amsterdam
info@blinn.nl
Հեռ.՝ 020 523 11 00
Ֆաքս՝ 020 622 73 67

Կանանց թրաֆիքինգի դեմ կրոնական պայքարի հիմնադրամ (SRTV)

http://www.srtv.info/engels/srtv/index_uk.html

Dutch Foundation of Religious against Trafficking in Women

Sint Janssingel 92

5211 DA's-Hertogenbosch

The Netherlands

Հեռ.՝ +31- 73 - 615 44 44

Ֆաքս՝ +31- 73 - 615 44 49

Էլ-փոստ՝ srtv@srtv.info

Վեբկայք՝ www.srtv.info

Platform Migranten Zonder Verblijfsvergunning PMZV

Պլատֆորմային աջակցություն փաստաթղթեր չունեցող
ներգադրածներին

Utrecht Street Kanaalstraat 243

NL-3531 CJ

Հեռ.՝ 31-30-2990222

Ֆաքս՝ 31-30-2990223

Էլ-փոստ՝ info@stichtinglos.nl

**Nederlands Migratie Instituut – Նիդեռլանդների միգրացիայի ինստիտուտ
NMI**

Նիդեռլանդների միգրացիայի ինստիտուտը (NMI) մատուցում է օգտվելու համար դյուրին ծառայություններ այն ներգադրացիներին, որոնք մտադիր են վերադառնալ իրենց երկիր: Վերադարձողներին տրվում են օբյեկտիվ ու համապատասխան տեղեկություններ, խորհուրդներ որոշումներ կայացնելու գործընթացում և աջակցություն հոլանդական հայրենադարձության ակտիվ առնչվող վարչական պահանջները կատարելու համար:

www.nmigratie.nl

Utrecht Street Postbus 19215 - Catharijnesingel 50 NL-3501 DE

Հեռ.՝ 31-30-2342936

Ֆաքս՝ 31-30-2304932

Էլ-փոստ՝ nmi@nmigratie.nl

12. Քաղաքացիության/հպատակության ձեռքբերում

ԾՆՈՒՆԴՈՎ՝ Նիդեռլանդների տարածքում ծնվելն ինքնին չի նշանակում քաղաքացիության շնորհում:

ԾԱԳՈՒՄՈՎ՝ Ամուսնությունից դուրս ծնված երեխան, որի ծնողներից մեկը Նիդեռլանդների քաղաքացի է: Որդեգրված երեխան, որի ծնողներից մեկը Նիդեռլանդների քաղաքացի է, ընդ որում որդեգրումը կատարվել է հոլանդական օրենքին համապատասխան: Ամուսնությունից դուրս ծնված երեխան, որի մայրը Նիդեռլանդների քաղաքացի է: Ամուսնությունից դուրս՝ օտարերկրացի մորից և հոլանդական հորից ծնված երեխային քաղաքացիություն չի շնորհվում քանի դեռ երեխան չի օրինականացվել և ճանաչվել հոլանդացի հոր կողմից:

ՆԱՏՈՒՐԱԼԻԶԱՑԻԱՅՈՎ՝ Հոլանդական քաղաքացիություն կարելի է ստանալ հետևյալ պայմանները բավարարելուց հետո՝ առնվազն հինգ տարի երկրում անընդմեջ բնակվելով և հոլանդերեն խոսելով: Հոլանդացիների օտարերկրյա ամուսինները կարող են քաղաքացիության համար դիմել երեք տարի ամուսնացած լինելուց հետո՝ պայմանով, որ խոսեն հոլանդերեն:

ԵՐԿՔԱՂԱՔԱՑԻՈՒԹՅՈՒՆ ԶԻ ՃԱՆԱԶՎՈՒՄ. Բացառություններ՝ Արտասահմանում ծնված հոլանդացի երեխան, որն ստանում է իր ծննդյան երկրի քաղաքացիությունը: Չափահաս դառնալուն պես անձը պետք է որոշի, թե որ քաղաքացիությունը պահի: Այն անձին, որը մեկ այլ քաղաքացիություն ձեռք է բերում ակամա, կարող է չասվել, որ հրաժարվի հոլանդական քաղաքացիությունից:

Երկքաղաքացիությանը վերաբերող հարցերը և այն, թե ինչն է համարվում օտարերկրյա քաղաքացիության ակամա ձեռքբերում, լիովին հստակեցված չեն հոլանդական դատարաններում: Այն դեպքերում, երբ հոլանդական երկքաղաքացիությունը հստակ չէ, պարզաբանման համար հարկավոր է դիմել հոլանդական հյուպատոսություն:

13. Այլ օգտակար աղբյուրներ և տեղեկություններ

Նիդեռլանդների Թագավորություն

Քայաստանի Հանրապետության դեսպանություն

Նստավայր՝ Հաագա, Նիդերլանդներ

Հասցե՝ Lan Van Meerdervoort 90, 2517, The Hague

Հեռ.՝ (317) 03311002

Նիդեռլանդների կարմիր խաչ

Leegwaterplein 27; 2521 CV The Hague

Փոստային հասցեն՝ P.O. Box 28120

2502 KC The Hague

Հեռ.՝ (31) (70) 4455666 / 4455613 (Միջազգային վարչություն)

Ֆաքս՝ (31) (70) 4455777 / 4455751 (Միջազգային վարչություն)

Էլ-փոստ՝ service@redcross.nl

Վեբկայք՝ <http://www.rodekruis.nl/>

Առողջապահության, սոցիալական ապահովության և սպորտի

Նախարարություն - Ministerie van Volksgezondheid, Welzijn en Sport:

www.minvws.nl

Կրթության, մշակույթի և գիտության նախարարություն - Ministerie van

Onderwijs, Cultuur, en Wetenschappen: www.minocw.n

Պաշտպանության նախարարություն - Ministerie van Defensie:

www.mindef.nl

Ներքին գործերի և թագավորության հարաբերությունների

նախարարություն - Ministerie van Binnenlandse Zaken en

Koninkrijksrelaties: www.minbzk.nl

Արդարադատության նախարարություն - Ministerie van Justitie (in Dutch):

www.justitie.nl

Բնակարանային ֆոնդի, տարածական պլանավորման և շրջակա

միջավայրի նախարարություն - Ministerie van Volkshuisvesting,

Ruimtelijke Ordening en Milieu: www.minvrom.nl

Արտաքին գործերի նախարարություն - Ministerie van Buitenlandse

Zaken: www.bz.minbuza.nl

www.mfa.nl

